

ՔԱՀԱՆԱՅԻՑ ՀԱՎԱՔ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Մարտի 30-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի բարձր նախագահությամբ տեղի ունեցավ քահանայից հերթական ամենամյա հավաքը: Հավաքին իրենց մասնակցությունն էին բերել շուրջ 180 եկեղեցականներ՝ Հայաստանի և Արցախի թեմակալ առաջնորդներ, Սուրբ Էջմիածնի միաբաններ և թեմերից ժամանած քահանա Հայրեր:

Մինչ հավաքի բացումը՝ եկեղեցականների թափոռի ուղեկցությամբ Ամենայն Հայոց Կաթողիկոսն առաջնորդվեց Մայր Տաճար, ուր կատարվեց Արևագալի հանդիսավոր ժամերգություն: Ժամերգությունից առաջ եկեղեցականներին Վեհափառ Հայրապետի անունից ողջունեց Մայր Աթոռի դիվանապետ Տ. Արշակ եպիսկոպոս Խաչատրյանը:

Հավարտ սրբազան արարողության քահանաների հավաքն սկսեց իր աշխատանքը: Ժողովն սկսվեց Տերունական աղոթքով, ապա ժողովականները մեկ րոպե լռությամբ հարգեցին ՀՀ հանգուցյալ վարչապետ Անդրանիկ Մարգարյանի հիշատակը, որից հետո Ամենայն Հայոց Կաթողիկոսն աղոթք բարձրացրեց ՀՀ վարչապետի հոգու հանգստության համար: Այնուհետև ժողովի կազմակերպիչ, Շիրակի թեմի առաջնորդ Տ. Միքայել եպիսկոպոս Աջապահյանը ներկայացրեց հավաքի օրակարգը: Հավաքն առենապետելու հրավիրվեցին Մայր Աթոռ Սուրբ Էջմիածնի միաբան Տ. Ներսես արքեպիսկոպոս Պոզապալյանը և Արցախի թեմի առաջնորդ Տ. Պարզև արքեպիսկոպոս Մարտիրոսյանը:

Հավաքին զեկուցումներ ներկայացրեցին Տ. Վահան քահանա Ագարյանը (Գուգարաց թեմ), Տ. Կյուրեղ քահանա Տալանը (Կոտայքի թեմ), Տ. Գևորգ քահանա Տեր-Բարսեղյանը (Գեղարքունյաց թեմ) և Տ. Վարազ քահանա Հակոբյանը (Շիրակի թեմ), ապա ներկայացված բանախոսությունների շրջանակում ծավալվեցին քննարկումներ Մայր Աթոռ Սուրբ Էջմիածնի և թեմերի հոգևոր-քարոզչական, հովվական, վարչակազմակերպական և եկեղեցական կյանքի այլ բնագավառների վերաբերյալ: Ժողովականներին Հայաստանյայց Առաքելական Սուրբ Եկեղեցու և Հայաստանի Հանրապետության հարաբերությունների մասին օրենքը հանգամանալից բացատրություններով ներկայացրեց Տ. Արշակ եպիսկոպոս Խաչատրյանը: Այս առնչությամբ քահանայից ժողովն իր շնորհակալությունը հայտնեց հայրենի իշխանություններին Եկեղեցի-պետություն հարաբերությունները կարգավորող օրենքի նախաձեռնման և ընդունման առնչությամբ:

Քննարկումների ավարտին Վեհաբանի հանդիսությունների դաշիվում հոգևորականաց դասին Հայրապետական իր օրհնությունն ու պատգամը բերեց Գարեգին Բ Ամենայն Հայոց Կաթողիկոսը: Նորին Սրբությունը մասնավոր իր գնահատանքը հայտնեց ժողովի կազմակերպիչ Տ. Միքայել եպիսկոպոս Աջապահյանին՝ հավաքի



ՔԱՆԱԿԱՅԻՆ ՆԱԿԱՐԻՆԻ ՄԱՐԿԱՐԿԱՅԻՆԻՄԱՆ ԺԱՄԵՐԳՈՒԹԱՅԻՆ ԸՆԹԱՑՔՈՒՄ





ԲԱՆԱԿԱՅԻՅ ՆԱԿԱՔԻ ՄԱՍՆԱԿԻՑՆԵՐԻ ԹԱՓՈՐԸ ՄԱՅՐ ՏԱՃԱՐՈՒՄ Է ՎԵՆԱԲԱՐՆ

շահեկան կազմակերպման առիթով: Ապա ողջունելով քահանայից դասին Մայր Աթոռ Սուրբ Էջմիածնում՝ Վեհափառ Հայրապետն իր գնահատանքը բերեց Եկեղեցականներին՝ իրենց նախանձախնդիր ծառայությամբ Եկեղեցու ներկայությունը հայոց կյանքում զորացնելու և այն իր առաքելության մեջ առավել արդյունավետ դարձնելու համար: «...Շնորհիվ ձեր նվիրյալ ծառայության՝ մենք առաջընթաց ենք տեսնում մեր Եկեղեցու կյանքից ներս: Հարկավ, թերություններ ևս կան, և անելիք աշխատանքներն ավելի շատ են, բայց այս ամենով հանդերձ միանշանակ կարող ենք ասել, որ մեր Եկեղեցին օրավուր զորանում է: Լավատեսությամբ ենք նայում մեր Եկեղեցու վաղվա օրվան», - նշեց Նորին Սրբությունն իր խոսքում: Հայոց Հայրապետը հորդորեց քահանա Հայրերին շարունակել նույն ոգով ու եռանդով, նույն համարձակությամբ ու նախանձախնդրությամբ ծառայություն բերել Հայոց Եկեղեցուն և ժողովրդին:

Վեհափառ Հայրապետն անդրադարձավ նաև անցնող տարում Մայր Աթոռ Սուրբ Էջմիածնի գործունեությանը և արձանագրած ձեռքբերումներին, պատասխանեց հավաքի մասնակիցներին հետաքրքրող ու հուզող հարցերին:

Այնուհետև նվիրյալ ու գնահատելի ծառայության համար Նորին Սրբության կողմից պարգևատրվածության արժանացան տասնվեց քահանա Հայրեր: Ծաղկյա փիլոն կրելու իրավունք ստացան Ս. Գևորգ քահանա Միրզախանյանը (Արմավիրի թեմ), Ս. Մեսրոպ քահանա Արամյանը (Արցախի թեմ), Ս. Գրիգոր քահանա Մարկոսյանը (Արցախի թեմ), Ս. Տիրան քահանա Առուշանյանը (Արարատյան թեմ), Ս. Խորեն քահանա Մարությանը (Արարատյան թեմ), Ս. Հովհաննես քահանա Հովհաննիսյանը (Արարատյան թեմ), Ս. Շահեն քահանա Հայրապետյանը (Արարատյան թեմ): Լանջախաչ կրելու իրավունք շնորհվեց Ս. Զգոն քահանա Անտոնյանին (Շիրակի թեմ), Ս. Տաթև քահանա Կիրակոսյանին (Արմավիրի թեմ), Ս. Սողոմոն քահանա Ավետիսյանին (Գուգարաց թեմ), Ս. Սիմեոն քահանա Առաքելյանին (Գուգարաց թեմ), Ս. Դավիթ քահանա Կյուրեղյանին (Արարատյան թեմ), Ս. Շմավոն քահանա Ղևոնդյանին (Արարատյան թեմ), Ս. Շահան քահանա Միրզոյանին (Կոտայքի թեմ), Ս. Վիրապ քահանա Ղազարյանին (Արագածոտնի թեմ), Ս. Մուշե քահանա Վահանյանին (Արագածոտնի թեմ):

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ